



周益公文集第七卷

平園續稿卷第七

宋廬陵周益公必大著

跋後漢樊常待碑

右後漢樊常待碑歐陽文忠公已有跋今其文幸可讀以永壽四年二月卒是年六月改元延熹八月丁酉制詔湖陽長劉操追授騎都尉印綬至二年十一月其子勅文碑石俾不失隧而趙明誠金石錄乃以為元年八月益因贈官而不考立碑在後也慶元丙辰正月癸卯平園老叟周某書而歸之曾氏

跋歐陽公堯祠碑跋

堯祠碑在集古錄為第七百九十一卷左氏傳云巡  
群屏攝正義謂束茅為之國語云屏攝之位注以屏  
為屏風攝如要扇二義雖殊其指主人祭祠之所則  
一也今跋以攝為攝或疑其誤暨得漢碑亦以為攝  
豈古今傳寫不同物事神之際當屏息攝伏以致其  
恭或為屏蔽之屏攝以威儀之攝也廬陵辭曹趙彥  
法示此跋敬題其下為輕改古書者之戒慶元丙辰  
正月癸卯周某某題

題楊謹仲芍藥詩後

淳熙甲午奉祠廬陵三月十七日會同年楊謹仲周

孟覺賞芍藥嘗櫻桃謹仲有詩予次韻云清晨自掃

落花廳小甕親籜竹葉青簪盍莫辭過陋巷臚傳相

與記彤庭塔翻紅藥曾重見

僕西掖

勅賜朱櫻亦屢

經老去飄零無此夢詩來吟詠有餘馨今二十有三

年二公墓木已拱因彭居仲識携謹仲帖相過且索

舊詩為之悵然此花最盛於太和而已紅都勝黃樓

子為冠如牧丹之姚魏也黃樓咸得之都勝者邑中

一二家有種惜不與人去年予答鄉貢進士陳恂二

小詩云芍藥名先記鄭風那因加木辨雄

韓魏王以芍藥為花

姚黃後出今王矣合把黃樓列上公六一先生舊

師楊公寧太史尸西昌只緣未識紅都勝如杜詩中  
闕海棠蓋許元寄歐陽公詩云芍藥瓊花應有限維  
揚新什獨無名公荅云偶不題詩便怨人山谷宰和  
太時篇詠甚多未嘗及此花今謹仲帖云花出語與  
古事相類併錄惡語於後慶元丙辰正月戊申周某  
書

跋胡忠簡公和王行簡詩

予嘗評胡忠簡公詩有不可及者三用事博而精下  
語豪而一也士子投獻必用韻酬答雖百韻亦然蓋  
愈多而愈工二也此篇和王君行簡時年七十五長  
歌小摺與四五十人無異三也行簡世家臨川志太  
而贍於文父從公游其人亦可知矣慶元丙辰四月  
七日

題羅起宗廟食碑

紹興二十二年秋贛兵環攻南安以石壓卵未足喻  
其危稅官羅君起宗獨冒白刃三入賊壘說之使去  
城賴以全當時雖不與賞今乃附享神祠夫人爵不  
過顯一時廟食自當傳百事羅君可以無憾而其子  
孫亦足自慰矣慶元二年四月十一日

跋王民瞻送胡邦衡南選詩

有澹庵壓嵩岱排淮泗之舉然後可以發盧溪穿天心透月脅之詩不如是不稱二絕澹庵授之從弟廉天錡廉天復授其子渙所謂文獻相承衣鉢單傳者若能刻石人授之本則法周沙界矣慶元丙辰四月十四日

題京仲遠與周孟覺帖

孟覺與予同宗同郡同年者忝從班每有衰窮悼屈之心而未嘗効後茅連茹之力敦知其子乃能於三十年後持相國帖自歸於光範手愧歎而書卷尾其時日則誠齋題字之信宿也慶元丙辰四月二十三

日

御書樂毅論跋

臣伏讀高宗皇帝翰墨志云魏晉以來筆法無不臨摹又云每得右軍書手之不置初若食密少其則已未若橄攬貞味久愈在也故尤忘於手紹興三四年間嘗臨羲之所書樂毅論以賜樞臣韓公肖謂之世傳高氏石本間節三十餘字得非御府別藏真蹟自不同耶後六十有三年樞臣之孫前韶州守臣亞御示臣使記歲月恭惟龍鸞飛動衆所共窺天日清明臣何敢繪慶元丙辰四月二十八日具位

周某謹再拜稽書其後

題呂猷可墓誌

呂公猷可以熙寧四年五月卒八月葬時王荊公正  
在相位司馬文正公誌銘不斥其名不沒其實荆公  
見之亦無所發其怒前謂樞密副使者陳丞相賜叔  
也方以憂去牽聯潛其姓名可謂深得史法矣是時  
太僕卿劉仲通自請書丹而命其子忠定公器之秉  
筆斯文既出其誰不知郿伯溫乃謂仲通初雖有請  
見文復遲回不敢器之代父書之仲通又勸呂氏諸  
子勿模本恐非三家之福按國史仲通剛方人也押  
作憂人折正其服章奉使却秉常室貨婦論不且輕  
用兵因旱條新正不便者伍事又上書論人主不可  
輕失天下心是豈徇時畏禍者哉設前却之亦器之  
亦安得強其父而陷之罪也大抵郿氏聞見錄頗多  
荒唐凡所書人及其歲月鮮不差互因是略為之辨  
此碑當日號三絕謂其人與文及書也真蹟之藏名  
相劉忠肅公元孫無欲家嘗以示忠定公曾孫孝昌  
孝昌念祖之心切將傳之副墨而力不足會胡南部  
使者吳仲權鑑取其費久之乃能成是可以傳遠慶  
元丙辰五月九日具位周某某謹識

跋張仲宗送胡邦衡詞

長樂張元幹字仲宗在政和宣和間已有能樂府聲  
今傳於世號蘆州集凡百六十篇而以賀新郎二篇  
為首其前遺李伯紀丞相其後即此詞送客貶新州  
而以賀新為題意其若曰失位不足矛盾得名為可賀  
也慶元丙辰五月十三日題

題蔡忠惠公帖

某之先君秦國公平生喜學蔡忠惠公書家藏京師  
舊石刻兩卷真行草畢備妙絕一世乾道間公曾孫  
戶部尚書沈來守廬陵摹真邸齋雖轉寫失真而典  
刑故在今公元孫戶部侍郎戡出師豫章復刻公遺  
墨俾某記其歲月恭惟 高宗皇帝天縱游藝嘗  
評公書為 本朝諸臣之冠且有入格律度驛驕之  
傑天監在上誰敢措辭惟公當 仁廟天聖八年擢  
進士甲科名在第十後百三十有七年歲在丙戌孝  
宗龍飛策士侍郎復踐世科名次若合符節詩云惟  
其有之是以似之慶元二年五月二十二日

題陳忠肅公尊堯集藁

陳忠肅公以元符庚辰入諫省力論蔡京姦邪弟卞  
妄引王安石日錄詆誣神廟未幾出守無為軍明年

改元靖國入為都司上書責曾布併及私史事復出  
海陵又明年當崇寧壬午貶從廉州此橐蓋當時筆  
也書成名曰合浦尊堯集經為四明尊堯集其詆蔡  
氏愈力不翅數萬言厥後果果有爭康之亂公可謂  
忠也已矣可謂明也已矣真迹在公督前衡陽太守  
蕭君懋德家衡州之孫必得携以相示因為記其歲  
月仍錄國史本傳使併藏之慶元二年五月二十八  
日

跋歐陽文忠公誦學帖

歐陽文忠公年二十有三以玉不琢不成器賦魁國  
子監其後十六年而次子變字仲純胡文恭督性個  
儻文章豪放尤長於詩多至三百篇公以其箕胡書  
此以勵其學惜乎得年纔三十四位不美及顯然熙  
寧末鄭俠得罪凡通問者皆獲譴仲純獨傾貲送之  
其大節如此可謂不墜先訓非學力乎帖以刻而真  
蹟今藏郡人胡祗家祗字仲本佳士慶元丙辰六月  
庚戌

跋徐夫人所書華嚴經梁武懺

鬱林葵侯子羽故母徐氏三衢人宣和間刑部侍郎  
諱敷言之女潛內典學虞世南書彙子寫華嚴經梁



武懺皆終部帙所謂 人身得度者其子將藏是書於名山求予一言予謂夫人為善如此邠氏之業在所不論二經果報寧復唐捐華嚴經云南方國有長者妻名曰善慧見佛神力心生覺悟法華經云比丘尼憍曇毗得佛授記後名光相如來予知夫人此念不斷盡未來世當證二說豈止資其冥福而已慶元丙辰六月丙寅

跋胡忠簡公論和議橐

紹興戊午胡忠簡公三十有七以樞密院編修官上書論和議此其橐也時長子方生未幾南選公知後禍巨測惟從姪昌齡字長彥賢而可託故以橐屬之今五十餘年矣昔顏魯公與魚朝恩論坐位帖橐摹本已數百載人爭傳寶公之所論起止坐位而其心畫端勁實法魯公自當並傳於百世慶元丙辰六月

題羅煒詩橐

友人永豐羅永年長字煒天才雋敏而苦於學遂至墮生予讀其詩橐而悲之永年求予一言昔人謂詩能窮人或謂非止窮人有時而殺人蓋雕琢肝腸已乖衛生之術譌弄萬象亦豈造物之所樂哉唐李賀本朝刑居實之不壽殆以此也今於羅氏子猶信慶

元丙辰八月六日平園老叟周某書

跋焦伯強與潘簡夫帖

歐陽文忠公贈焦伯強詩云焦生獨立士勢利不可  
恐又云皎皎寒泉冰其清正如此余裒彙又忠公集  
於書簡間得公與伯強帖凡十有六意受之厚期待  
之遠情見乎辭觀伯強遺永嘉潘簡夫十六帖淵原  
蓋有自矣簡夫諱約後為伯強婿三子文饒字氏則  
文孝字少穎紹興簡相維權第文虎字虎山亦嘗魁  
薦鄉評推焉少穎之子檜今為臨江軍職官奉檄至  
廬陵出示此軸為題其後慶元丙辰中秋平園老叟

周某

跋呂伯恭日記

黃太史晚商宜州自崇寧四年歲但凡風雨寒暑親  
舊往復以至日用飲食之類皆繫日書之名曰乙酉  
家成止八月晦九月則易簣矣呂大史抱病東陽亦  
有日記起淳熙庚子春盡辛丑七月壬寅其明遂卒  
日蓋絕筆也方病時出入起居雖不達山谷而編大  
事首周敬王修讀詩記自唐無依孜孜課程所謂造  
次穎沛必於是者兩賢相去七十餘載何其相似也  
意長日月短悲夫慶元二年八月二十六日

跋廖中精紀

天錫九疇一曰五行凡天地人有形則有數有數則  
囿於五行是善分筮者預能測知人居其間又顯可  
推者傳不云乎死生由命富貴在天豈術者之臆說  
哉春秋戰國前善相者多若推祿命則盛於漢賈誼  
譏司馬季主曰高人祿命以悅人心矯言禍福以規  
人財後世又可知已今士大夫野老人人喜於談命  
故其書滿天下清江鄉貢進士廖中伯禮連舉未第  
乃刻意於此會粹類十家之說章分件析考驗得失  
校量深淺成精紀三卷携以示予謂五行所寓有常  
焉有變焉常易推也變難推也理也自非心通意悞  
不足以尽此故稱善其事者莫如李虛中萬端千緒  
叅錯重出學者就傳其法初若可取卒然失之茲豈  
易哉廖君歸矣苟因書悞理則將如由基之射百發  
而百中不然讀齊侯之糟粕矣否未可知也

題謝昌國式華堂記

淳熙甲辰今  太皇太后慶七十於  德壽宮推恩  
四海廬陵進士歐陽鉞字仲授以年高賜初品官其  
碩取訓詞式華其老之言揭名于堂工部謝尚書謬  
寶為之記歲星一周當慶元丙辰十月三日今皇帝

周益公文集 平園紀略  
奏上壽聖隆慈備福光祐太皇太后冊室於慈福宮  
聖筭八十有二矣於萬斯年慶典未央鉞也又將拜  
增秩之寵載新斯堂以延賓客其有日矣是月壬戌  
平園老叟周某書

題廬山西林道場碑

右階廬山西林道場碑文歐陽率更撰而不云何人  
書要當出於一手昔唐韋絢錄劉禹錫嘉話載率更  
行見索靖所書碑下馬布毯坐觀三宿而後去又云  
率更不擇紙筆皆能如志惟其如古如前說之勤是  
以肆律無不臻妙理當然矣三門銘逸姓名亦和名  
筆也慶元丙辰十一月己卯平園老叟周某書

題袁晉公撰李西平神道碑

右裴晉公撰李西平神道碑以校江浙閩唐文粹本  
大率傳寫脫謬且經段易不段徧舉姑言其甚者乾  
元初立功武都邦人咸服具以狀文而諸本尽作具  
狀以聞何俗弱也乘墉壑如通道殆有二義當謂士  
卒賈勇升高步險如履平不然以而為如猶春秋書  
星如隕雨也今衆本直改作而通道或增一字為軌  
道於是下句勢梟鏡而清宮亦添一禁字按周禮秋  
官哲蒺氏掌覆天鳥之巢鄭氏讀如槌碑盖用此若

字而諸本盡改為礫尤更淺陋古書日壞俗本日多  
此手所以撫卷三歎也慶元丙辰十一月己卯

題歐陽文忠公跋賽陽山文

大和九年賽陽山文在集古錄第五百四十三卷自  
唐乙卯歲至本朝嘉祐己卯六賢同觀時蓋二百二  
十五年又至熙寧辛一紀之間文忠公已有存亡今  
昔之數後百一十五年為淳熙乙巳而亡友劉子澄  
記之今十三年子澄墓擿森然矣重可歎也慶元丙  
辰十一月乙酉平園老叟周書某題而歸之劉氏

跋歐陽文忠公與裴如晦帖

右歐陽文忠公與裴如晦帖如晦名煜慶歷六年魁  
南省權乙科嘉祐末以秘閣校理守潤州此公當時  
答書公文集書簡間先有嘉祐五年一帖而集古錄  
前漢鴈足銘跋亦載如晦與公別福至治平四年如  
晦以集賢校理判三司戶部勾院卒此帖藏柴微朱  
公家作跋在龍興二年後三十三年朱公之子軾字  
叔止携以相示既刻府文忠公集又為記其大略慶  
元丙辰十一月五日

題張志寧所藏東坡畫

蘇文忠詩云空腸得酒芒角出肝肺槎牙生竹石森

周益公文集 平園續集 卷之七 三十一  
然欲作不可留寫向君家雲色壁榮氣自然乃可貴  
仲五日一石豈知此耶慶元二年十二月一日

跋老泉所作楊少卿墓文

同年臨江楊謹仲諱愿往為廬陵郡博士嘗為予言  
乃祖中大夫諱申在京師從老泉蘇公明允乞曾祖  
光祿少卿諱克從墓文又得黃廣淵書丹特君卿篆  
額今有右本留先營頗恨未之見也謹仲下世之十  
三年其長孫光祖始軸以求跋予生晚不知中大夫  
何如人然碑成於嘉祐七年秋而刻於 英宗治平  
之初元是時蘇名震京師廣淵直集賢院為郡牧三  
司判官君卿自藩邸以藝文被幸由奉禮部換內殿  
承制三人雖不同同為當世所貴非中大夫好學而  
篤志則其文其書豈易得哉韓退之謂唐人欲銘其  
先必得三服予謂楊氏此碑非三難乎厥後謹仲既  
以學行為卿先生今諸孫又表而出之不墮其業將  
無愧於老泉之辭矣慶元二年十二月二十一日

跋朱待制澹寧軒自適詩

右徽猷閣待制宋公詩豪四十一篇皆紹興間寓鍾  
陵時投贈帥漕及與當世名勝唱酬也嗣孫文林郎  
江陵府觀察推官文成將伐石刻寘家塾屬某一言

惟本朝承五季之後詩人猶有唐末之遺風迫揚  
文公錢文僖劉中山諸賢繼出一變而為崑体未幾  
宋元憲景文公兄弟又以學問文章別成一家藻禮  
而婦之雅正學者宗之號為二宋公盖元憲曾孫字  
景晉名載詩序中東坡先生詩云吾觀二宋文字字  
照繡素淵源皆有考奇險或難句後來邈無繼嗣子  
其殆庶此六語者今可復施之公壬午歲某在後省  
嘗草公贈官制云學知守其家亦此意也慶元丁巳  
正月戊戌前進士周某書

跋李先生之禮記義

右章貢先生李公先之補禮記義四首前兩道紹聖  
元年省元程文次兩道元祐八年監元程文是時兼  
用經義詩賦取士公賦已盛行於四方近德安府贛  
州刻公全集亦復收入獨經義不傳予幼從公族人  
養素處士學手自抄寫往歲因告水高君得懋畱意  
是經合甥李驥瞻本遺之今德懋之子誼携以相示  
為題其後不然并莫知其為誰之文也

跋陳剛中石材廟詩

陳剛中字彥柔胡忠簡公同年進士其貶安遠宰也  
予適在贛識之豐肌便腹骨不勝肉而安遠荒僻瘴

癘特甚汲水冥器中須史墨色以故仕者多死士大夫固憂公不能生还未幾果然其後湘中有着著紹興正論者公姓名在焉且云其妻無所歸削髮為尼未知信否謂公以辛酉歲貶則誤矣當以庚申為正

跋臨江軍劉昌詩之父青祠橐

眉山唐子西父病篤母史氏祈以身代死已而母死父生彼特伉儷之情尔或不容於兩全若刘氏兄弟則孝於事親也其感格且哉

題胡邦衡侍郎撰胡從周寺丞誌文

金昆玉友無復二難鴻筆壞詞有華三絕繡篋中之遺蹟附宰上之豐碑解白隨之謝條焉隔世圓朱儼之夢恍若平生偉詩禮之傳芳森見孫其競爽尚襲藏於手澤期光紹於實章 隨朱囊皆一時實事

題張魏公與晁升道帖

右魏國忠獻張公遺晁升道十四帖其半親表也升道諱升之南渡寓盱江宝文閣學士劉洪道資深見而奇之薦于魏公自是為公客公居潭連音問不絕凡國太晚年之起居欵夫早歲之學識皆於辭翰中及之最後謂人事無窮與天地相終始欲其撥置以全精神期之者至矣今公季子龍閣尚書開鎮豫章



熙父兄之勲業升道之孫子毅携公手澤信侯榮戟  
因為紀其本末慶元丁巳十月丁丑

題呂紫微與晁仲石詩

晁氏一姓文獻相續殆無它揚號本朝盛族仲石  
諱公慶紹興初與范顧言曾裘父同學詩於呂紫微  
故得是詩乾道元年平江守沈公雅

刻紫微集二十卷以歲月為先後此篇在末卷中蓋  
墓年所作也仲尼之子子毅以示周某教書其後慶  
元丁巳十月丁丑

題李龍眠山庄圖

龍眠居士博學嗜古志尚清遠筆端餘力溢而為畫  
王荆公雅重之數贈以詩又從蘇黃諸公游蓋文與  
可一等人也龍舒山庄圖匹休輞川張右丞達明鴈  
峯談錄云正本為中實梁師成取去今所臨摹蓋初  
本也居士出處具癸啓所作誌文一子諱碩字天老  
湖南提舉常平是生四子子識具二長諱琥字西美  
通敏善議論終于郡倅季曰瑜字季周嘗為理掾能  
傳乃祖筆法予屢得之今亡矣西美之孫各出此軸  
請予題其後慶元三年十月壬午平園老叟周某

跋張魏公與彭子後書

尚書郎彭公予從德厚如璞王歲寒如喬松紹興發  
配守零陵郡故相張忠獻公謫居在焉竭誠盡禮不  
以燥濕改其度已而按行交廣總職滄鄂當時士大  
夫皆謂用未極也今觀忠獻帖其賢可知若子若孫  
俱守家法雖繇積善使然亦忠獻相勉為學擇師友  
之助也慶元年十月日

題陸本益齋記

秉成兄為陸本仲因作益齋記具論損益之義詳矣  
仲因復求予跋難措辭柳聞之蘇之忠公為孝務日  
益此言當自程為道貴日損此理在既盈請以是詩  
為齋之銘立爾常心毋欲速成惟直諒多聞之是親  
可以致身可以揚名豈止一第而已慶元三年十月  
日

題周洽所藏南唐柴訴

右南堂告水縣鄉貢進士周洪誼牒訴七幅考之史  
氏五代僭偽諸國獨江南文物為盛然每歲科舉取  
人甚少多用尚書言事拜官惟黃順二年始命江文  
蔚知貴舉放進士廬陵王克正等三人而止雖舉子  
以少為貴然鄉坊保家父子難乎俱免累政縣判如  
蓋復之也家傳二百四十年八世孫洽來求跋語按

周顯德五年歲在戊午即李璟保大之十六年方改元交泰而世宗盡取淮甸畫江為界上下震懼謀徒豫章已而削去帝號奉周正朔故第一幅稱顯德六年越明年庚申

太祖皇帝受禪辛酉璟南從而殂煜嗣位於金陵後十三年歲在甲戌王師弔伐明年己亥國除士民始

避本朝廟

諱其名上一字適同 宣祖又明年十月 太宗

皇帝即位其下一字復犯御名故前牒皆名弘義最後一牒乃改洪誼實開寶九年之十十一月至十二則改元太平興國矣先是公私狀式倒以牒件謹牒為交元豐四年十一月詳定官制所重頒新式此其所以異於今也洽字季宏不墮世業豈但遺蹟是藏固將起家以大其門老夫雖耄尚或見之慶元丁巳冬至日

題浮雲居士曾達臣雜志後

姓氏書曾氏望廬陵 本朝大江以南清源南豐兩族皆出宰仇待從嘗通譜系其後顛之雩都則叔夏尚書尺敵告府侍郎兄弟繼為禁路之英惟廬陵一族文獻相承登科無慮數十人而未及三郡之顯今

浮雲居士達臣有博古通今之學偶遺於科舉有知  
機應變之才不白於功名緒餘著書追迹前輩向使  
盡發胷中之所蘊其成就宜如何哉是生諸子才學  
俱茂或仕于小官或貢名天府而仲氏無逸策第太  
常典中秘書為尚書郎群從孜孜為善方競爽迭興  
而未艾視前三家何患不及特時有先後爾况猶子  
無玷嘗以奉使朔方假大西制婦而勸講修注備膺  
寵章是故為之兆矣姑少徐之慶元丁巳冬至日

題至聖文宣王三十八代孫孔仲良唐真

元以後先身石刻自古推尊孔子莫如孟氏既荅公  
孫丑曰自生民以來未有孔子也又引宰我子貢有  
若之言曰夫子賢於堯舜遠矣生民未有句言至再  
三蓋然之也趙岐乃謂前聖不得相踰門弟子之言  
大過是豈知孟子之意哉及唐韓愈謂天子至郡邑  
通祀孔子北面拜跪禮踰社稷彼堯舜雖得其位而  
不得常祀社稷雖得常祀而無天子北面拜跪之禮  
故云不得位而得常祀無盛於孔子是為遠過堯舜  
之效然後孟子之意明矣某竊謂虞賓三恪隨運推  
移孰有世世襲封如衍聖公者城陽蒼梧間置守家  
孰有廟宅世祀萬乘臨拜如孔林者以此推之將歷

周益公文集 三國經 卷一 十九  
千萬世與天地相為終始何但生民未有而矣今甫  
田幸因賢者為更版籍立四十九世孫之戶刻唐告  
於縣齋他日良二千石或能推擇嗣人世居學宮使  
先聖苗裔益勸毋怠於以彰皇朝崇儒重道之美又  
盡也慶元三年十一月日

題愈洪所藏滕元發與俞退翁詩

四朝國史於遺逸中立俞退翁傳大槩用孫華老所  
作墓表惟自西川召為御史力辭不拜墓表但云以  
闕負召傳乃謂王介甫籍其清望使擊故老清德安  
肯妄發介甫用人寧不察此竊疑滕元發嘗倅湖州  
退翁郡人熟知其賢觀所贈詩帖當熙寧元年

神廟待元發方厚懼為中丞必舉臺屬退翁之召或  
以其薦即可知矣是歲十二月元發改翰林名年春  
介甫得政素惡元發出之于外知幾而退是乃所以  
為退翁况舉王補外自應隨罷耶墓表不書其由華  
老亦嘗攻元發故也慶元丁巳十一月望退翁元孫  
洪相過出示元發詩翰妄意如此來者或有考焉退  
翁子孫甚盛是則豐積留取之報洪福醞籍䟽通稱  
其家者也

又書溪堂集後 再 跋退翁溪堂集首詞並

國其後畧有吏改附錄壬

四朝國史於遺逸中立逾退翁傳大槩用孫莘老所作墓表惟自西川召為御史力辭不拜墓表但云以闕負負傳乃謂王介甫藉其清望使擊故老夫清德安肯妄發介甫用人寧不察此竊疑滕元發嘗倅湖州退翁郡人熟知其賢觀所贈詩帖即可知矣當熙寧元年 神廟待元發方享權為中丞合舉臺屬退翁之召必以其薦是歲十二月元發改翰林明年春介甫得政素惡元發出之于外知幾而退是乃所以為退翁况舉主補外自應視以為就耶墓表不書由莘老亦嘗改元發故也退翁子孫甚盛且多顯者今其元孫澈入為廷尉婁更麾節絕誠厚德克世其家因示溪堂集附此說于後使來者有考焉慶元庚申二月己卯

周益公文集第七卷 平園續稿卷第七

周益公文集第八卷 平園續稿卷第八

宋廬陵周益公必大著

題跋三

題曾建侍郎戒其子棠清廉帖

漢華陰楊氏自高帝時喜以功封赤泉侯其後啟相  
昭帝傳至東京而震益顯遂為名族大要以清白遺  
子孫子孫亦能守之四世清德之褒見於孔丘海疏  
殆與兩漢相為始終何其盛哉本朝贛川曾氏儒素  
相承弟兄俱上禁塗至文清公乃用此易其名是生  
仲躬出藩入從受知 孝宗方季子出示之初授古

唐文集 卷之三十一 二十二  
證今誨戒諄諄無非清白之訓是豈教成諂者惟能  
世濟其美不墮其名則將與國咸休永世無窮矣慶  
元丁巳十二月

跋撫州游祖武禊帖

其與家兄子中自少喜收法書前後得右軍禊帖以  
十數共評此軸游氏所藏謂謝脫拘束而動容周旋  
如印印泥無不愿當筆意變變妙入神品蓋傳於今  
者惟定武瘦本最佳茲其一也慶元丁巳臘月丁酉

跋楊廷秀所作胡氏霜節堂記

清風嚴霜本不相為謀兼二美者竹也友人楊公延  
秀平居薰弓慈仁真可解愠臨事則勁節凜然陵大  
寒而不改名堂作記曲盡竹之情狀蓋身之非假之  
也今胡氏既知不可一日無此君其可三日不讀此  
記乎慶元丁巳

跋唐子西帖

眉山唐子西之文盛傳于世不待贊也史稱其論事  
精密通於世務為宰相張天覺所知歷宗子傅士提  
舉京畿常平貶惠州數年歸蜀而卒有子曰文若字  
立夫一字仲懿寬厚秀傑文辭高雅不妄與人交而  
襟懷灑落人自愛之登紹興五年進士第屢被薦召



多仕于蜀二十六年入為光祿寺丞遷祕書郎擢起居郎執政有惡其不下已者諷言官誣以事出知邵州改鏡州除直敷文閣徙溫州三十一年參知政事楊椿薦之高宗笑曰今不傲否蓋或言其簡伉也以宗政少卿召再為起居郎明年二月進中書舍人兼修玉牒官隆興元年以足疾求去正月丙辰除敷文閣待制知漢州明日改江淮都督府參贊軍事符離退師例貶秩二等求出幕得鼎州徙江州病丐祠二年某月卒于南康軍年六十晚號遜庵初為鄱陽破豪氏一族人稱其政後與郡人王福密剛中通婚因卜居焉在朝廷若不與事間出議論輒正平無向背高祖將成禪德靖康吳敏輩自以為功未嘗語人宰執亦不敢問獨立夫請對言不宜迫遽高宗諒其忠與詳論舊事會御批追崇皇太子所生父立天已書黃因過其歎聖德不可及而疑名稱未安歸白宰相請更黃而堂吏執不可立夫請不已宰相以聞改稱皇太子本生親尋詔侍從臺諫就御史臺會議遂稱皇兄而加贈極品其端蓋立夫發之立夫素主民兵或疑其迂雖予亦不謂然及守九江適虜騎犯舒立夫參用民兵備禦整暇方督匠

刻東坡集人賴以少安其治郡能盡僚屬之才人皆  
樂為宣方至簿書期會則不屑性既寡合遇所喜形  
迹都忘平生不言人過雖有憾亦容之常曰觀人以  
初見為定往往十得六七少因讀史悟性理宣周僧  
宗果及與予西並遊張天覺之門名震一時立夫適  
相遇於荆南先語其子云我今竭杲彼若叩我我便  
不服杲望見立夫遽曰尊公文章滿腹却欠此事郡  
從何處得來立夫喜且服人兩奇之子輅字德與亦  
能文進 德壽宮慶古賦後省第入甲等乾道中由  
大理司直出通判漢州淳熙十三年冬提轄權貨務  
高宗上僊獻嘖議謂合稱祖破禮官之說又及巷市  
七日事 孝宗下其議會御史察洪翰林邁首議稱  
祖非是洪家居待罪 孝宗曰議禮如聚訟何嫌異  
同於是禮官併疏輅失言給事忠亦乞罷輅復通判  
隆興府予嘗與立夫同僚相善又惟文士子孫能世  
其家如唐氏者未易多得故傳其事於上舍游居所  
藏予西帖之後使修史者有考焉輅今為利州守慶  
元戊午正月乙卯

跋韓子蒼與曾公衮錢遜叔諸人

唱和詩

周益公文集 三國經籍八 三  
崇寧大觀而後有司取士專用王氏學甚至欲禁讀  
史作詩然執牛耳者未嘗無人凡紹興初以詩名家  
皆當日人也今讀韓子蒼與錢遜叔曾公衮等臨川  
唱酬略可觀矣或疑所以然予曰舉子在场屋為學  
不專為文不力既任則棄其舊習難乎新功彼有志  
之士其操心也專其學古也力譬之追風籟云之驥  
要非繩墨所能馭故子蒼諸賢往往不由舉科而進  
一時如程致道呂居仁曾居甫朱希真皆是也其又  
奚疑慶元戊午正月戊午

跋會公衮錢遜叔韓子蒼諸公唱

和詩

國家數路取人科舉之外多英才自 微廟迄于  
中興程致道呂居仁會吉甫朱希真詩名籍籍  
朝廷賜第顯之今用觀會公衮錢遜叔韓子蒼諸賢  
又皆韓墨椎師非有司尺度所能得也紹興初星聚  
臨川唱妍酬麗一時傾慕郡之名勝游氏龍藏此卷  
有年數矣慶元紀號之四年歲在戊午上巳日周某  
子充敬題其末

跋吉水蕭氏祖長官告

右武寧蕭長官所受淮南吳氏告一通按路振九國

志揚行密之子謂自吳王僭號改文散官大夫為大  
卿御史大夫為御史大憲明年渭殂十一月弟溥嗣  
位改元乾真實後唐天成化年也徐溫既死子知誥  
起復秉政其歲月職制皆與此合予聞蕭氏自武寧  
起家至曾孫諱定基字守一本朝天禧癸亥年登第嘗  
任侍御史風節凜然有孫韓服字昭甫元豐五年登  
第權監察御史時相蔡京憾執政劉達皆已窮治達  
姻家章氏私鑄獄於平江久不能決昭甫奉詔審鞫  
不如京旨遂坐廢錮後起為吏部員外郎出知蘄州  
卒再世以直諫聞號廬陵名族祿仕不絕武寧七世  
孫武陵承諱許字巖英才具過人予嘗與之游諸公  
方欲薦用俄謝事去議者惜之因其子特起出示祖  
告併題于後慶元戊午上巳

跋蕭御史殿試真卷

右天禧三年蕭公廷試三題卷一日之間文不加點  
頃在館閣同僚許克昌狀元出其從祖安世平四年  
魁卷與此略同蓋祖宗時士人業精于勤徃徃習貫  
如自然非若後來之鹵莽也家狀會祖霽不仕而其  
裔孫尚藏淮南吳乾貞中任武寧縣令真告其以為  
偽官故不書耶或疑賦原韻不當押業之法按廣韻

八聲三十一洽與三十二卯通用三十三業與三十  
四之通用自唐迄天禧皆然此舊韻也 仁廟初詔  
丁度等撰定集韻於是移業為第三十二而以卯之  
附之此今韻也慶元四年上已

跋宗運判

晒

奏藁

右故廣西運判宋公奏章四藁公以紹興二年二月  
為衡陽太守當孔彥舟馬友曹成諸劇賊破城侵境  
之後黎庶凋瘵百孔千瘡官軍征戍日夜往來資糧  
靡履應酬無虛日而能悉心撫摩臨事整暇奏課遂  
為胡南第一四年三月代還此陛對所陳也如乞諸

郡置將乘時和糴與夫鞭策諸將卑圖恢復皆中  
興急務深契 高皇之心畀以使節將試用之攬轡  
踰年奉祠遽歸沒於臨二子子仍子倬仕皆弗顯其  
孫文祚等得此遺墨俾某識其後公之守衡也舅氏  
王公籍實貳郎事奉外祖母衛太夫人在馬又叔父  
靜江府君侍祖母奉國夫人宰屬邑之安仁某時年  
七十八歲侍先夫人省秦國於衡上能記公之政今  
追書大略如此公諱昞字景融蓋鄆國元憲公曾孫  
而外祖母之姪於先夫人為表兄云慶元戊午三月  
十七日

跋張忠獻公與外舅帖

張忠獻公忠君憂國勸學為善之心造次顛沛未嘗少忘凡見於手書者皆是也近世浮辭繆敬盈于尺牘觀此得不見賢思齊乎茲八幅者外舅御史王公彥先紹與庚辰守公鄉郡及移廬師答書也德人土風之褻期待甚厚蓋聞名於過平江之日非溢美外舅季子嘉賓藏之年年今傳其子紹祥而屬某題其後慶元戊午五月庚辰

跋義靈廟碑

義靈廟者滕侯棲神之所也侯宣和間椽天台適方寇鴟張初為曲突徙薪之計後收焦頭爛額之功正使二千石智勇過人未必無此二者孰謂一戶曹乃優為之當時祠享永世廟食且哉慶元戊午五月丁巳

題聶倅

周臣

所藏黃魯直送徐隱

父宰徐干詩藁

山谷此詩今載外集不觀初草何以知後作之工老社云陶冶性情存底物新詩改罷自長吟孰知二謝將能事頗學陰何若用心苟作云乎哉慶元戊午歲年午月戊午日平園老叟周某書而歸之聶氏

跋江氏舊書

右安陸江氏書一卷頗有誤字首印江元叔書籍記  
末用越州管內觀察使之印不知元叔守越時錄  
本或錢氏舊書也子孫不能守多入鄉人翰林學士  
鄭儼毅夫象朝州興國主簿余鏞得此以遺余乃錄  
毅夫鄣溪集所載記文于後慶元戊午歲戊午月戊  
午日

跋黃山谷書堂人詩

右山谷大書一軸紹興末外舅御史王公彥光守漢  
或師瀘時得之今將四十年其孫紹祥携以相示昔  
山谷謫居多作字以遺蜀人中興後凡東南士大夫  
之為監司郡守者往往有所獲而歸歲月既久遇其  
良輒取之郡無留良焉詩不云乎尚有典刑慶元戊  
午五月十四日

跋張芸叟劉滄詩

右浮休張公劉將軍墳廟詩一首將軍諱滄慶曆名  
將力戰城水洛蕃漢皆畏愛幾為狄青尸洙所害故  
云生前毀譽豈堪聽身後功名始汗青此詩雖載畫幔  
集一潛其名故表而出之慶元四年六月旦張公曾  
孫維祖携以相示為題其後

跋司馬文正公手鈔富文忠公使北錄  
司馬文正公於廣記備言不啻飢渴之嗜飲食况國  
家重事乎富文忠使北語錄首尾萬有餘字手自鈔  
錄他人安能為此淳熙癸卯公曾孫吏部侍郎季思  
刻石泉南屬某題其後今十六年而侍郎之子遵求  
踐宿諾感歎不已某書為大史牛馬走恭讀 徽宗  
實錄宣和六年春既獲變离不得慶曆國書誓書真  
本藏寶文閣朝廷以為快 祖宗累世之憤則富公  
奏牘所謂影帶下策盖用之矣當時力辭奉使賞柳  
有由也慶元四年六月十一日

題東坡上薛向樞密書

薛恭敏公元豐元年九月自樞密直學士工部侍郎  
知定州召入西府蘇文忠公昔嘗與之論天下事今  
復貽書深切著名如此責善為有加矣薛本以理財  
論兵進及在政路首尾三年同列質以西北事則養  
威恃重未嘗啓其端最後詔民蓄馬既奉行復汙及  
歎為舒論罷聞義能徒不善能改未必不因蘇公  
之書此夫患失遂非者有間矣元祐間特被褒表豈  
無所自耶公作此時年四十三是日某生朝也身為  
二千石士民當盈庭為壽不則與家人飲食燕樂乃



齊心呵凍極陳國計其賢於人遠矣官本不載此書  
於集惟麻沙本及別集有之故人劉錢壽史君之子  
宗奭兄弟家藏真蹟慶元戊午七月旦以示前進士  
周某敬題其後

跋楊廷秀贈族人復字御詩

江西詩社山谷實主夏盟後四方人才如林今以數  
計未為多也誠齊家吉水之澁澹執詩壇之牛耳始  
自宗族延及郡邑孰非闖李社之門晞歐蘇之蹤者  
粵無鐔燕無函秦無廬胡無弓車夫人能為之尚可  
以社名乎家生執戟即又梭手其莘者也慶元戊午

七月二日

跋曾氏兄弟帖

贛川曾氏兄弟俱有時名其以文章議會論致身禁  
從者三顯謨學士字叔夏寶文待制字天猷敷文待  
制謚文清字吉甫建大理御字原伯戶部侍郎子仲  
躬同事 孝宗克繼先業視南豐之曾殆庶幾焉仲  
弓子德廣守相川衷兩世翰墨刻之石蓋將對手澤  
而思求君子之澤即心畫而推廣前入之心濟美衆  
賢寧有既耶附以呂伯共禮部君二帖深有益於學  
者乃知五公義方之教施及宅相何其盛也慶元戊

年八月丙寅朔

題呂侍講希哲歲時雜記後

本朝承平歲久期人安生樂業凡遇節物隨時制宜雖有古有今或雅或鄙所在不同然上而朝廷次而郡國下建民庶驩娛熙洽永嘗虛度則一也侍講呂公當全盛時食相門之德既目擊舊禮又身歷外官四方風俗皆得周知追記于冊殆無遺者惟上元一門多至五十餘條百年積累之盛故家文獻之餘茲可推矣慶元戊午秋公之孫仙遊邑大夫祖平以示平園老叟周某窮有生晚不及見之歎云

自題與黃談書尺

元祐給事中黃公夷仲之曾孫諱談字子點山谷先生從孫實傳詩社之正印有文集三十卷自號澗壑居士早受知於胡明仲侍郎其後劉共父樞密張安國舍人維帥湖南皆為上介屬以文翰人聞具美豈在朝廷而官止權務壽不及知命識者惜之嗣子早世其孫鈞以予隆興乾道間往復之書數十通聯為大軸街袖相過內十四幅乃予手筆餘皆弟姪及筆吏代作今三紀矣追懷人之英英豈易復得重為歡息慶元戊午九月己亥

跋撫州鄔處詩

臨川自晏元獻公王文公主文盟於本朝由是詩人項背相望近世如謝无逸幻槃兄弟及饒德操汪信民皆傑然拔出者也南渡以來又得寓公韓子蒼呂居仁振而作之四方傳為盛事其後儒冠則曾李程爽父釋氏則文慧大師惠嚴道士則黎道華師侯同時以詩鳴人善稱之今鄔君文伯復以科舉餘力刻意吟詠橐其新舊橐遠以相示予雖不能詩然亦知其為佳作也蓋木有本可以干霄水有源可以至海以君之才進而不已追前人而與之齊斯無難矣慶元戊午九月戊申

跋山谷草書太白詩

南豐譙氏收山谷草書李太白歌行一卷殆中年筆也予家藏數卷亦太白詩蓋非謫仙妙語不足發龍蛇飛動之勢耳今江西豫章廬陵宜春皆刻山谷真草惟蜀中劉氏十卷中草聖尤奇實暮年筆也始穎昌劉昱字晦叔與山谷友善暨其子瓌孫伯虎三世相維持節于蜀日裒月聚固得之之富其間二說學者不可不知乃命小史錄于佐慶元戊午十月丁亥

題戊午歲吉州舉人期集小錄

選士於里登名天府為之首者期集同舉之人禮也  
廬陵號士御故此禮尤盛而今歲特盛焉求新左君  
淳熙己酉稟然居萬人之上今秋克復舊物而其父  
母年方五十餘二者皆近所稀有其盛一也誠齋楊  
公龍泉孫公 朝廷鄉黨之達尊友以序美之其盛  
二也每舉士或有故不至至或不多多者什僅三四  
今在坐乃五十人其盛三也左君既具著于錄而附  
以坐客所賦詩強予題其後老諱雖不能措辭竊有  
祝焉國朝天聖八年春叅政歐陽公以國學首薦魁  
名南宮是年 廷試榜眼則丞相劉公其後鼎甲則  
侍郎郭松 中興第五則資政胡公至紹興十八年  
叅政董公遂唱名第一其他登甲科者猶未悉數也  
諸君勉旃踵則賢之高躅增吾邦之盛事其在茲行  
乎其在茲行乎慶元四年日南至

跋張如瑩歸去來詞

永嘉陳開祖紹興二年登第張公年韶雅重之仕至  
廣德太守行誼表於一鄉廉靖箸于仕塗其侔豫章  
戶部尚書張公如瑩以慶遠軍節度使來為連師素  
以翰墨馳聲位望既崇益自珍貴人欲其尺牘不可  
得獨為開祖書歸去來詞於畫卷且推美其古雅今

五十年而開祖之子求仁請予為之跋求仁三為劇邑以名字再典郡予嘗同僚如其端諒通達蓋名父子也開祖諱一鶚求仁名自修慶元五年正月十九日

跋王才臣十史論

淳熙中予備數政府故人劉子澄守衡言布衣劉德老之才孝廟亟命以官食衡祠祿因思予友王才臣才學不啻德老甚欲以名聞顧念才臣春秋未甚高猶當以科第進遂不果後歸老里中才臣猶在場屋偶見孫從之改其史論為之悵然才臣身雖益困而所養益厚異時會當有知之者予老矣尚庶幾及見之慶元五年上巳日

書譚該樂府後

世謂樂府起於漢魏蓋由惠帝有樂府令武帝立樂府采詩夜誦也唐元稹則以仲尼文王操伯牙水仙操齊贖沐雍朝飛衛文思歸引為樂府之始以予考之乃賡載歌薰兮解愠在虞舜時此體固已萌芽豈止三代遺韻而已新喻譚該居之舉業餘暇作上之回等十四篇因舊題而衍其辭用意深遠至於擬古詠史詠懷感遇諸詩多有佳句進而不止前輩可以

企及為題卷末而勉之慶元己未五月戊戌

韓文公飛去收犢子非吳競集雜朝樂府古

題要解以為

慶元己未五月示周某甲子適一周矣

跋宋景晉晚手書佛經

待制宋公手書金剛經端謹有法度始末一體如摹  
印然敬之至也王荆公學王濛書多為橫風疾雨之  
勢每作帖初尚矜持後必坦率惟寫佛經專用楷法  
亦是理歟公以紹興己未五月書此其曾孫曾老以  
慶元己未五月示周某甲子適一周矣

題趙清獻公三帖

右趙清獻公三帖第一乃嘉祐八年春任度支副使  
所作其云孫公勇退謂蜀人文懿公也名與公同尋  
除東宮三少致仕玩公長子是年登科第二則治平  
二年公知成都時仁舉不知謂誰三年有都官郎中  
廣濟河催綱石輅為祥州路運判或斯人數第三云  
呂侍講三請留司蓋正獻公也是年棚月出知蔡州  
慶元五年十月旦平園老叟周某敬題

題楊廷秀新塗胡氏義方堂記後

成齋作義方記理勝而文雄殊無老人謔諄衰弱氣  
象吾黨所共矜式豈特光賁胡氏家塾而已慶元己

未十月辛未

跋東坡與張近帖

右坡公與張幾仲帖蓋元豐開謫黃時也所謂稜德與尉者長子邁也其將自黃移汝嘗賦長篇以銅劍易幾仲龍尾子石硯幾仲作詩送硯及叙公又屬知卒以劍歸之且載集中幾仲名近仕至顯謨閣直學士國史有傳其從孫子侑家臨江軍實藏此帖慶元己未十一月甲辰周某子充敬觀

周益公文集第七卷

平園續稿卷第八

